



Avannaata  
Kommunia

# Anartarfilerinermut malittarisassiat Avannaata Kommunia

Ukioq 2019

Suliarinnittoq: Ingerlatsinermut ataqatigiissarisooq

## Imai

SIULEQUT .....	3
1 SIUNERTAQ .....	4
2 INATSISITIGUT TUNNGAVIGISAT .....	4
3 ATUUFFIA .....	4
4 ILLUMIK PIGINNITTUP PISUSSAAFFII .....	4
5 PISORTAT EQQAKKANUT AQQUSIAANNUT ATTAVILERNEQ .....	5
6 ANARTARFILERINERMUT AAQQIISSUT .....	5
7 TANKIT KATERSUIVIIT .....	5
8 AKITSUUTIT .....	6
9 NAKKUTILLINEQ .....	6
10 UNIOQQUTITSINERIT PINEQAATISSIISSUTILLU .....	6
11 MAALAAARUTEQARNERIT .....	7
12 PIGINNAATITSISSUT .....	7
13 ATUUTILERNERA .....	7

## SIULEQUT

Avannaata Kommuniiani illoqarfinni nunaqarfinnilu anartarfilerinermik passussillunilu igitsisarnissamut aalajangersakkanik malittarisassiat makku aalajangersaapput.

### Atuuffigisai

Malittarisassiat illoqarfinnut nunaqarfinnullu tamanut atuupput.

### Siunertaq

Anartarfiit imaartarneranni eqqiluutsuutitsilluarnissap qularnaarnissaa malittarisassiat siunertaraa. Anartarfiit imaartarneri sapinngisamik siamasinnerpaamik pisortat eqqakkanut aqqusiaasigut pissaaq. Taamatut pisoqarsinnaangippat anartarfiit imaat eqqiluisaarnikkut isumannaatsumik pissuseqartumik imaarneqartassapput.

### Nassuiaat

Anartarfilerineq tassaavoq anartarfinnit sunilluunniit anartarfiit imaat erngillu errortuivikut.

### Anartarfilerineq

Illunik piginnittut tamarmik pisortat eqqakkanut aqqusiaannut attaveqanngitsut, imaluunniit kangerlummumut imarmulluunniit illumit imermik minguttumik kuutsitsiveqanngitsut anartarfimmik imaartakkamik, imaluunniit katersuivittut tankimik peqassapput.

Tamatumunnga ilaliullugu illut imaartakkanik anartarfillit tamarmiik anartarfilerinermut kommunip katersuinissamut aaqqiissutaanut ilaasussaassapput. Taama pisoqartillugu anartarfimmumut imaartakkamut akornutissaqanngitsumik aqqutissaqarnissaa, imaluunniit ullormi aallerfiusumi nal. 07.00 sioqqullugu puup qilerlugu matusap imaluunniit siparnip inissinnissaa illunik piginnittut isumagissavaat.

### Akitsuutit

Kommunimi aaqqiissummut atasutut illunik piginnittut attartugaqartullu Anartarfiit imaannik aamma imermik errortuivikumik eqqaaneq pillugu Namminersorlutik Oqartussat nalunaarutaat nr. 10, 12. juni 2015-imeersumi § 10 malillugu akitsuummik akiligaqartassapput. Akigititat allattorsimaffianni atuuttumi akitsuut takuneqarsinnaassaaq.

# 1 SIUNERTAQ

Malittarisassiat siunertaat tassaavoq Avannaata Kommuniani inoqutiginnit aamma inuussutissarsiorfimmitt anartarfilerinerup eqqiluisaarluinnarnissamik najoqqutassaq malillugu, aammalu avatangiisit innarlitsaalinissaannik paasinnittumik piujuartitsisutut tunngavilimmik pissanera.

Malittarisassiatigut innuttaasunut, illunik piginnittunut, suliffeqarfinnut aamma kommunimut pisussaaffiit aamma pisinnaatitaaffiit aalajangerneqarput.

## 2 INATSIITIGUT TUNNGAVIGISAT

Malittarisassiat suliarineqarneranni najoqqutarineqarput

- Anartarfiit imaannik aamma imermik errortuivikumik eqqaaneq pillugu Namminersorlutik Oqartussat nalunaarutaat nr. 10, 12. juni 2015-imeersoq, § 2, § 49
- Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersoq, § 66, § 60

## 3 ATUUFFIA

Avannaata Kommunini illoqarfinnut nunaqarfinnullu malittarisassiat makku atuupput. Malittarisassiat makku atuuffigai illuutigisat tamarmik, suliffeqarfiit, peqatigiiffiit, aamma aaqqissuussinerni, inuit katersuuffigigallagaanni aaqqissuisartut, kiisalu nunaminertat sanaartorfiginngisat, annertunerusunik suliaqartarfiusut.

Malittarisassiamiippoq anartarfilerineq.

Anartarfilerineq tassaavoq anartarfinnit sunilluunniit anartarfiit imaat erngillu errortuivikut.

## 4 ILLUMIK PIGINNITTUP PISUSSA AFFII

Atuinissamut pisussaaffik

Illumik piginnittut pisortat eqqakkanut aqquasiaannut attaveqanngitsut, imaluunniit kangerlummud/imarmut illumit imermik minguttumik kuutsitsiveqanngitsut namminneq akilikkaminnik kommunip akuerisaanik anartarfimmik imaartakkamik, imaluunniit kommunip akuerisaanik katersuivittut tankimik pissarsillutillu aserfallatsaaliugaqassapput. Illumik piginnittut pisortat eqqakkanut aqquasiaannut attaveqanngitsut, imaluunniit kangerlummud/imarmut illumit imermik minguttumik kuutsitsiveqanngitsut immikkoortoq 6-imi nassuiarneqartutut kommunimi anartarfilerinermik aaqqiissummut attaveqartuussapput, imaluunniit allakkiami matumani immikkoortoq 7-imi aalajangersakkat malillugit tankinut katersuivinnut imaarsisarnissamut aaqqiissummut attaveqassallutik.

Immikkoortiterinissamut pisussaaffik

Anartarfittut puussiani, aamma anartarfinni imaartakkani puussiaqanngitsuni anartarfiit imarisartagaannut naleqqiullugit allanik eqqaasoqassanngilaq.

Anartarfiit imaasa imaarneri

Anartarfiit imaannik imaarsinerit sapinngisamik siamasinnerpaamik pisortat eqqakkanut aqqusiaasigut pissapput. Qanorluunniit ittumik anartarfiit imaannik imaarsisarneq kommunimit akuerineqaqqaarsimassaaq.

## 5 PISORTAT EQQAKKANUT AQQUSIAANNUT ATTAVILERNEQ

Illuutigisaaq pisortat eqqakkanut aqqusiaannut attavilerneqarpat anartarfinnik imaarsisarneq atuukkunnaartarpoq. Anartarfinnik imaarsisarnermut aaqqiissummut ilaajunnaarluni nalunaarnissaaq illumik piginnittuusup qularnaassavaa.

## 6 ANARTARFILERINERMUT AAQQIISST

Kommunimi anartarfiit imaartakkat puussiartallit aamma puussiartaqanngitsut atornerqarput. Taamaallaat anartarfinnit imaartakkanit puussiartalinnit kommunimit pilersuutigisat imaluunniit akuerisat anartarfiit imasaanut katersuiviit atornerqaqquusaapput. Avannaata Kommunianit akuerineqartunik anartarfinnik imaartakkanik taamaallaat atuisoqaqquusaavoq.

Inissiiviup pitsaasumik eqqiluittumillu ittuutinnissaanik, kiisalu aqutissat pisariallit isumannaatsullu isumaginissaanik illumik piginnittut pisussaaffeqarput. Anartarfinnut imaartakkanut atatillugu saligaatsuunngitsutut pissutsit atuuffigisaanni illumik piginnittumut imaluunniit attartugaqartumut kommune matup silataanut puumik inisseeqqusisinnaavoq.

Anartarfilerisumut anartarfiit imaartakkat tikinneqarsinnaanissaat illumik piginnittup isumagissavaa. Ajornanngippat sumiiffimmi takussaasumi tikinnissaanullu aqutigiuminartumi illup silataani puussianik inissiisarnissaaq pillugu anartarfilerisumik illumik piginnittoq isumaqatigiissuteqarsinnaavoq. Puussiaq matulluarneqarlunilu qilersimassaaq, aammalu ullormi aallerfiusumi nal. 07.00-imi sumiiffimmi isumaqatigiissutaasumi inissinneqarsimassalluni.

Sumiiffiup aallertarfiup eqqakkanik kuussimasoqartinnginnissaanik, aammalu aqutissat saligaatsuullutillu takujuminartuutinnissaanik illumik piginnittoq pisussaaffeqarpoq. Imm. 4, "Illumik piginnittup pisussaaffii" malillugu pisariaqartitatut aallertarnerit amerlassuseqartillugit anartarfilerinermut aaqqiissummut ilanngunnissamut illumik piginnittoq pisussaavoq, aammalu aallernerit marluk akornanni siparnit/puussiat sipporlugit immertannginnissaat qularnaassavaa.

Anartarfileraluni aallernerimi siparni/puussiaq imaqaanngippat anartarfilerisoq imaarsissanngilaq. Puussiaq imaarneqanngikkaangat illumik piginnittoq anartarfimmut puussiamik nutaamik pissarsissanngilaq. Qulaani pineqartoq illumik piginnittumut taarsiinertut ittumik ajunngitsorsinissaanut tunngavissiissanngilaq.

## 7 TANKIT KATERSUIVIIT

Tankit katersuiviit kalerrisaarutitalinnik qerinnaveeqquteqassapput imaluuniit ulikkaalernera pillugu nalunaarusuiffeqartinneqassallutik, aammalu sanaartornermut malittarisassianut avatangiisillu innarlitsaalineqarnissaannut inatsimmut naapertuuttumik aaqqinneqarsimassallutik.

Katersuiffittut tankimut mingummik milluaassutip milluaassutaanut nutaamik ikkussisoqartillugu imatut inissinneqassaaq, mingummik milluaassut ajornartorsiuteqanngisumik annerpaamik meterinik arfineq-pingasunik ungasissuseqartillugu ikkunneqarsinnaassalluni. Mingummik milluaassutip inissaata

pitsaasumik saligaatsumillu ittuunissaanut, aammalu attaveqarnissamut pissutsit pisariallit isumannaatsullu isumaginissaanut illumik piginnittoq pisussaaffeqarpoq. Taamatuttaaq illumik piginnittup katersuiffittup tankip aamma akornutissartaqanngitsumik imaartarnissaa qulakkiissavaa.

Mingummik milluaasoqarnerani nunatamut kuutsitsisoqaqquusaanngilaq. Ruujorit slangillu tamakkiisumik imaarsimaneri qularnaarneqassapput. Nunatap akornutissartaqannginnissaa illumik piginnittup pisussaaffigaa, taamaalilluni tankinut katersuiffinnit anartarfilerinissamut kuutsitsisarfirmik assartuisartog tikitaqarsinnaassammat.

## 8 AKITSUUTIT

Aaqqiissutitut aalajangiussanut atatillugu aningaasartuutit matussernissaanut akitsuutinik akiliinissaq illumik piginnittut attartortullu pisussaaffigaa. Anartarfilerinermik aaqqiissummut peqataasussatut nalunaarsimasuni illumik piginnittumi imaluunniit attartortumi akitsuutit akileqquneqartarput.

Anartarfilerinermut, kiisalu tankit katersiviit imaartarnerinut akitsuutit angissusissaat ukiumut ataasiarluni kommunalbestyrelsip aalajangertarpaa. Sumiiffikkaani, aamma kommunip nittartagaani akitsuutit angissusiat Avannaata Kommuniata nalunaarutigisarpaa. Akitsuutit angissusii kommunimut saaffiginninnikkut pissarsiarineqarsinnaasumi akigititat allattorsimaffianni takuneqarsinnaassapput. Nuunnermi anartarfilerisarunnaarnissaq, aammalu illumut nutaamut il.il. nuunnermi anartarfilerisalernissaq illumik piginnittup imaluunniit attartortup nalunaarutigissavai. Nuunnermut atatillugu anartarfilerisarunnaarnissamik nalunaarummik kommune tigusaqanngippat atuisartuusimasog piffissamut tunngasuutitanik anartarfilerinermut akitsuutinik akiliinissaminut pisussaaffeqarpoq, tassalu atuisartup allap anartarfilerisarnissamik nalunaarnissaata tungaanut, imaluunniit aqutsisoqarfiup anartarfilerisarnermik aaqqiissummik unitsitsinissaata tungaanut.

## 9 NAKKUTILLINEQ

Malittarisassiani aalajangersakkat malittarineqarneri Avannaata Kommuniata nakkutigisari.

Illumik piginnittoq imaluunniit illumik attartortoq kinaluunniit Avannaata Kommunianit nakkutilliisartut illumut isertinnissaanut pisussaaffeqarpoq, ilanngullugu anartarfinnik imartakkanik, tankinillu katersuivinnik misissuinissamut isertittassallugit, aammalu inaarutaasumik eqqaanerup tungaanut tankinik katersuivinnit anartarfilerinerup passunneranik misissuinissamut isertittassallugit.

Malittarisassiat makku aalajangersagaannik pissutsit akerliusutut ittuuneri paasineqassappata piffissap erseqqinnerusutut nalunaakkap iluani pissutsit malittarisassianut malinnitsilernissaat Avannaata Kommuniata peqqussutigisinnaavaa. Piffissap killiliussap iluani pissutsit iluarsineqassanngippata suliarisassamik akisussaaffeqartumut akilerneqartitamik Avannaata Kommunianit suliaqartitaqarsinnaavoq.

## 10 UNIOQQUTITSINERIT PINEQAATISSIUSUTILLU

Malittarisassianik makkuninnga unioqqutitsinerit akiliisitsissutitut ittumik pineqaatissiinernik nassataqarsinnaapput, takukkit Anartarfiit imaannik aamma imermik erroruivikumik eqqaaneq pillugu Namminersorlutik Oqartussat nalunaarutaat nr. 10, 12. juni 2015-imeersumi § 49, aamma Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersumi § 66.

## 11 MAALAAARUTEQARNERIT

Malittarisassiani aalajangersakkanut tunngasunik aalajangiussinernik, kiisalu tamakku najoqqutaralugit aalajangiussinerni Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersumi § 60-imi malittarisassiat malillugit maalaaruteqartoqarsinnaavoq.

Kommunalbestyrelsip aalajangiussineri uunga maalaarutigineqarsinnaapput: Avatangiisit Innarlitsaaliorneqarnissaat pillugu Naammagittaalliuteqartarfimmut, c/o Siunnersuisoqatigiinnut Aalajangiisartunullu Aqutsisoqarfik, Postboks 689, 3900 Nuuk. Maalaaruteqarnissamat killiliussaq tassaavoq aalajangiussinermik nalunaaruteqarfittut ullormit tassannga aallartittumik sapaatip akunneri arfinillit. Naammagittaalliuteqartarfiup aalajangiinissaata tungaanut, imaluunniit naammagittaalliuteqartarfiup allatut aalajangiinerata tungaanut maalaarutigisaa kinguartitsisutut sunniuteqartarpoq. Malittarisassiani aalajangersakkanut tunngasutut, taakkulu atuutsilernerinut tunngasutut saaffiginissutit aamma maalaarutit suliarisami aalajangiisuusumut kommunalbestyrelsimut ingerlanneqassapput.

## 12 PIGINNAATITSISSUT

Malittarisassiat makku akuersissutiginerisigut Avannaata Kommuniani kommunalbestyrelse Sanaartornermut Avatangisinullu Ingerlatsisoqarfimmut malittarisassiat makku malillugit aalajangiisinnaatillugu pisussaaffiliivoq.

## 13 ATUUTILERNERA

Malittarisassiap matuma atuutilernerani Qaanaami, Upernavimmi, Uummannami Ilulissanilu anartarfilerinermut malittarisassiat atuukkunnaarput.

Malittarisassiaq manna ulloq 1. januaari 2021-mi atuutilerpoq.

Avannaata Kommuniani kommunalbestyrelsimit akuerineqarpoq

Ulloq

Ulloq

---

Palle Jerimiassen  
Borgmesteri

---

Nick Nielsen  
Kommunimi qullersaq